

Bosna i Hercegovina
Federacija Bosne i Hercegovine
TUZLANSKI KANTON

KANTONALNI SUD U TUZLI

Broj: 003-0-Su-20-000 230
Datum, 17. mart 2020. godine

Na osnovu člana 31. stav 1. Zakona o sudovima u Federaciji Bosne i Hercegovine („Službene novine Federacije BiH“, broj: 38/05, 22/06, 64/10, 7/13 i 52/2014), člana 8. tačka z) Pravilnika o unutrašnjem sudskom poslovanju („Službeni glasnik BiH“, broj 66/12 do 30/18), Preporuka Visokog sudskog i tužilačkog vijeća Bosne i Hercegovine broj: 08-02-2-1020-1/2020 od 15.03.2020. godine, Odluke Vlade Federacije Bosne i Hercegovine o proglašenju nesreće uzrokovane pojavom koronavirusa na području Federacije Bosne i Hercegovine od 16.03.2020. godine te Preporuka Kriznog štaba Ministarstva zdravstva Tuzlanskog kantona, predsjednica Kantonalnog suda u Tuzli donosi

**ODLUKU
O ORGANIZACIJI RADA
U KANTONALNOM SUDU U TUZLI**

I

U cilju zaštite ličnog zdravlja i zaštite javnog zdravlja, a radi sprečavanja širenja novog koronavirusa (COVID-19), rad u sudu i prijem stranaka u sudu bit će pod posebnim režimom i organizirat će se u mjeri koja osigurava nesmetan rad i zaštitu zaposlenih.

II

Svi nosioci pravosudne funkcije, kao i zaposlenici Kantonalnog suda u Tuzli su dužni da poštuju upute i odluke nadležnih kriznih štabova.

III

Potrebno je da nosioci pravosudnih funkcija razmotrite mogućnost otkazivanja ročišta u periodu od 17. marta do 03. aprila 2020. godine, izuzev onih ročišta za koja je zakonom propisano da su hitna ili neodložna, te da o tome hitno obavijeste sve učesnike u postupku.

IV

Potrebno je da nosioci pravosudne funkcije sjednice vijeća održavaju u sudnici kako bi se stvorili uslovi za propisnu udaljenost članova vijeća i drugog osoblja.

V

Radno vrijeme u Kantonalnom sudu u Tuzli se skraćuje i isto traje od 07,30 do 14,00 sati.

VI

Rad pisarnice sa strankama će se odvijati u vremenu od 11,00 do 13,00 sati i zaposlenici koji rade u pisarnici – prijemu i otpremi pošte dužni su za vrijeme komunikacije sa strankama nositi na licu maske i koristiti zaštitne rukavice.

VII

Nalaže se referentu – portiru suda da dopušta ulazak strankama u sud na način da se po jedna stranka prima u pisarnicu suda – ured za prijem pismena.

Kada jedna stranka obavi radnje zbog kojih je pristupila u sud i kada izađe iz suda onda se može pustiti slijedeća stranka (DOZVOLJAVA SE ULAZAK SAMO JEDNE STRANKE U POJEDINE SLUŽBE SUDA).

Stranke se ne smiju zadržavati u hodnicima suda.

VIII

Radno vrijeme namještenika koji obavljaju poslove i radne zadatke na održavanju čistoće u Kantonalnom sudu u Tuzli traje od 10,00 do 16,30 sati i obavezni su prostor u prizemlju zgrade čistiti i dezinficirati u toku dana nekoliko puta, naročito u prostoru u kome se primaju stranke.

IX

Kantonalni sud u Tuzli dana 13. marta 2020. godine izvršio je dezinfekciju cjelokupnog prostora Kantonalnog suda u Tuzli, te nabavio sredstva za dezinfekciju predmeta i ruku.

Sredstva za dezinfekciju ruku su postavljena u toaletima.

X

Kao preventivnu mjeru komunikacije preporučuje se strankama i građanima da svoje zahtjeve sudu dostavljaju putem fax-a na broj

035/307-111, ili putem e-mail-a na adresu: kantsudtza@pravosudje.ba umjesto neposrednih kontakata.

XI

Nalaže se svim uposlenicima u sudu da okupljanje svode na najmanje moguću mjeru, kao i grupisanje po kancelarijama sem u slučaju hitnih i neophodnih poslova koji bi se trebali obavljati u sudnici na propisanoj razdaljini između osoba.

Razmjene informacija vršiti isključivo putem elektronske mreže suda, koristeći službeni e-mail.

XII

Zabranjuje se svim zaposlenicima suda korištenje pauze za kupovinu hrane za doručak van objekta suda, dakle, za vrijeme trajanja radnog vremena nema izlaska iz objekta, nego će se pauza za doručak iskoristiti na radnom mjestu, što podrazumijeva da svaki zaposlenik doručak podnese od kuće.

Također se zabranjuje bilo kakav drugi izlazak iz suda i ponovni ulazak za vrijeme trajanja radnog vremena, bez obzira po kojem osnovu, o čemu će evidenciju striktno voditi portirska služba.

XIII

Obustavlja se prijem stranaka kod predsjednice suda u narednom periodu.

XIV

Za vrijeme trajanja nesreće uzrokovane pojavom CORONAVIRUSA na području Federacije Bosne i Hercegovine, zaposlenicima u Kantonalnom sudu u Tuzli će se omogućiti po njihovom zahtjevu korištenje godišnjeg odmora, s tim što će se voditi računa o radu suda u nužnom kapacitetu.

XV

Svi zaposlenici suda su obavezni poštovati ovu Odluku i preporuke kriznog štaba i nepoštivanje odluka i preporuka mjerodavnih tijela povlači krivičnu, prekršajnu i disciplinsku odgovornost.

XVI

Odluku dostaviti svim zaposlenicima u Kantonalnom sudu u Tuzli, Visokom sudskom i tužilačkom vijeću Bosne i Hercegovine, Vrhovnom sudu Federacije Bosne i Hercegovine, Ministarstvu pravosuđa i uprave Tuzlanskog kantona, Odjeljenju sudske policije Tuzlanskog kantona, staviti na oglasnu ploču suda, na vrata suda i na web.

stranicu suda, radi upoznavanja stranaka i javnosti sa sadržajem odluke.

XVII

Odluka stupa na snagu sa danom donošenja i ostaje na snazi do opoziva.

PREDSJEDNIK SUDA

Indira Hadzi Mehmedović

